

Tinaitai Koru/Choral Reading Selection
Inachá'igen Fino' CHamoru 2018

I Fino' CHamoru: Poksai Mo'na i Sahyan i Fino'-ta
Tinige' Siñora Maria Ana "Ann" Tenorio Rivera

Ta poksai mo'na i sahyan i fino'-ta, i Fino' CHamoru-ta!

Guåhu, hågu, TODU HIT!
Hita i sahyan i fino'-ta.
Ta poksai, ta pipet, ta pasensiåyi hit todú,
Ya ta fampráktiku mamino' CHamoru.

Guåhu, hågu, TODU HIT!!
HITA ... Ta poksai mo'na i fino'-ta.
Ta poksai, ta pipet, ta pasensiåyi, ta malagu'i ...
SIEMPRE mampráktiku mamino' CHamoru hit... MAGÅHET!

Atan! Atende! Ékungok! Tungo'! Cho'gue!
Na'fayi hao ... gi i lengguahi-ta.
Atan! Atende! Ékungok! Tungo'! Cho'gue!
Na'malåte' hao ... gi i ketturå-ta.
Atan! Atende! Ékungok! Tungo'! Cho'gue!
Na'metgot hao ... put i CHamoru-ta.

Kuentos! Óssitan! Estoria! Kånta!
Poksai yan pása i tiningo' para i famagu'on-ta.
Úniku este ginen i mañaina-ta para hita.
YA ... yanggen ta såtba i sahyan i fino' CHamoru ...
Ta sásatba hit lokkue' ... HITA ... i ManCHamoru!